



Futsal knattspyrnulögin – Stutt samantekt

1. grein – Leikvöllurinn

Leikið er á eins velli og handboltavelli og með handboltamörk (2x3m). Tvö vítamerki eru á vellinum, á 6m og 10m. Skiptisvæði og boðvangur eru 5m frá miðju og eru 5m á lengd.

2. grein – Boltinn

Notaður er bolti nr. 4, sem er með svipaða þyngd og bolti nr. 5 (sér futsalbolti).

3. grein – Fjöldi leikmanna

5 leikmenn eru í hverju liði og þar af einn markmaður. Lágmark 3 þarf í hvort lið til að hægt sé að byrja leik og eins er leik lokið ef annað liðið hefur færri en 3 leikmenn inni á vellinum. Varamenn eru allt að 9 og eru skiptingar frjálssar og fljótandi og fara fram á skiptisvæði hvors liðs um sig. Leikur er ekki stöðvaður til að skipta um markmann. Ef skipting er framkvæmd á rangan hátt er leikmaður áminntur.

4. grein – Búnaður leikmanna

Allir leikmenn eiga að nota legghlífar. Markmenn skulu vera vel aðgreinanlegir frá öðrum leikmönnum. Varamenn skulu vera í vestum.

5. og 6. grein - Dómararnir og hinir í dómarateyminu

Tveir dómarar dæma leikinn saman, ásamt tímaverði og oftast varadómarara. Dómarar skulu láta tímavarðarborð vita þegar leikbrot telst safnast upp og eins þegar uppsafnað leikbrot fylgir í kjölfar hagnaðar. Tímavarðarborðið gefur til kynna þegar hámarksfjöldi uppsafnaðra leikbrota í hvorum hálfleik er náð (3 leikbrot í riðlakeppni, 5 leikbrot í úrslitakeppni).

7. grein – Leiktíminn

Leiktíminn er stopp þegar boltinn er ekki í leik og lýsir leiktíminn alltaf raun spiltíma. Athugið að leiktíma er ekki lokið fyrr en boltinn hefur verið stöðvaður löglega (t.d. sé hann á leið að öðru markinu) þótt lokaflaut leikklokku hafi hljómað.

Leiktíminn í riðlakeppni m.fl. er 2x8 mín. Lið eiga ekki rétt á liðs-leikhléi í riðlakeppni. Dómarar munu fylgja því vel eftir að leikmenn séu röskir að koma boltanum aftur í leik.

Leiktíminn í úrslitakeppni m.fl. er 2x20 mín. Hvort lið á rétt á einu liðs-leikhléi í hvorum hálfleik venjulegs leiktíma (safnst ekki upp, né færast með í framlengingu).

8. grein – Upphaf leiks og leikur hafinn að nýju

Upphafsspyrna er tekin í upphafi hvers hálfleiks og eftir að mark er skorað. Mótherjar skulu vera minnst 3m frá. Leyfilegt er að skora beint úr upphafsspyrnu.

9. grein – Boltinn í og úr leik

Ef boltinn fer í loft hússins taka mótherjar innspyrnu næst þeim stað sem boltinn snerti loftið.

10. grein – Hvernig úrslit leikja ráðast

Liðið sem skorar fleiri mörk vinnur, annars er jafntefli

11. grein – Rangstaða - Engin rangstaða í futsal.

12. grein – Leikbrot og óviðeigandi hegðun

Athugið að eðli futsal er að spila hraðan, skemmtilegan leik og halda í vörn en ekki brjóta af sér, því leikbrot safnast upp (hvert leikbrot er dýrara). Rennitæklingar eru leyfilegar í þeim tilgangi að blokka skot eða halda bolta innan vallar. Rennitæklingum þar sem mótherji er snertur skal refsað fyrir með leikbroti (aukaspyrna/víti). Sé leikmanni vísað af velli (rautt spjald), má annar leikmaður koma í hans stað eftir 2 virkar mínútur af leiktíma. Skori mótherji mark þegar lið er manni færri, má annar leikmaður koma inn áður en leikur fer aftur í gang. Skori liðið sem er manni færri mark, eða ef bæði lið hafa jafn marga (3 eða 4 hvort) leikmenn á vellinum, helst fjöldi leikmanna óbreyttur.



Futsal knattspyrnulögin – Stutt samantekt

Eftir að markvörður sendir frá sér boltann til samherja (með höndum eða fótum) má hann ekki snerta boltann aftur á eigin vallarhelmingi, eftir viljandi sendingu frá samherja, fyrr en boltinn hefur snert mótherja, hvort heldur sem hann fær hann á eigin vallarhelmingi eða ber hann þangað með sér sjálfur. Hann getur hins vegar verið með í spili svo framarlega sem hann sé kominn yfir miðlínu vallar.

Markvörður má einungis hafa vald á knettinum í 4 sek. á eigin vallarhelmingi, hvort sem er með höndum eða fótum. Í báðum tilfellum er dæmd óbein aukaspyrna. Alltaf má senda boltann aftur til markvarðar eftir að hafa unnið bolta af mótherja, eða úr innspyrnu, hornspyrnu, aukaspyrnu eða upphafsspyrnu.

13. grein – Aukaspyrnur

Mótherjar skulu vera 5m frá boltanum í aukaspyrnum. Beinar aukaspyrnur og vítaspyrnur eru leikbrot sem safnast upp. Frá og með sjötta leikbroti (fjórða í riðlakeppni) sem lið fær á sig, er aukaspyrnan tekin án varnarveggs frá 10m merkinu (sé leikbrotið utan vítateigs en nær marki en 10m merkið, má velja brotstað í staðinn), markmaður er a.m.k. 5m frá boltanum, spyrnandinn er tilgreindur sérstaklega, allir aðrir leikmenn eru a.m.k. 5m frá bolta og fyrir aftan boltann. Spyrnandinn hefur 4 sek. til að framkvæma spyrnuna og verður að skjóta á markið!

14. grein – Vítaspyrna

Vítaspyrna er dæmd þegar varnarlið brýtur af sér innan eigin vítateigs. Markmaður skal vera á marklínunni, án þess að snerta stangir, slá eða net, þar til boltanum hefur verið spyrint. Spyrnandinn er tilgreindur sérstaklega og aðrir leikmenn eru a.m.k. 5m frá bolta og fyrir aftan boltann.

15. grein – Innspyrna

Spyrnandinn hefur 4 sek. til að framkvæma innspyrnuna. Boltinn skal vera kyrrstæður á hliðarlínunni eða allt að 25cm beint út frá hliðarlínunni. Mark er ekki skorað beint úr innspyrnu. Mótherjar skulu vera a.m.k. 5 m frá spyrnandanum.

16. grein – Markkast

Í stað markspyrnu er markkast. Mark er ekki skorað beint úr markkasti. Markvörður hefur 4 sek. til að framkvæma markkast og má ekki snerta boltann aftur á eigin vallarhelmingi eftir viljandi sendingu frá samherja fyrr en hann hefur verið snertur af mótherja, hvort sem hann fær knöttinn beint á eigin vallarhelming eða ber hann þangað með sér sjálfur. Hann má hins vegar taka þátt í spili á vallarhelmingi andstæðinganna. Sé markvörðurinn lengur en 4 sek. að framkvæma markkastið, dæmist liði mótherjanna óbein aukaspyrna á vítateigslínunni.

17. grein – Hornspyrna

Mótherjar skulu vera a.m.k. 5 m frá hornboganum í hornspyrnum. Spyrnandinn hefur 4 sek. til að framkvæma hornspyrnuna. Sé spyrnandinn lengur en 4 sek. að framkvæma spyrnuna er dæmt markkast.